

交

通

志

# 邕寧縣志卷二十八

## 垠西莫炳奎星五編纂

### 交通志一

水陸交通之器。舟車尚已。顧在昔舟則借風力。車則借畜力。爲用未神。自邇西人發明科學。水火之用。迺顯鉅能。鐵路也。輪船也。郵電也。航空也。萬里之遙。瞬息達於堂奧。重山之險。渡越視同康莊。天工巧奪。洵闢未有。無事則便於通商。以厚培國力。有事則利於作戰。以鞏固國防。厥功偉矣。然而其効命之宏。當不僅此。記曰。舟車所至。人力所通。凡有血氣。莫不尊親。吾敢信今後中國必有聖人興焉。天蓋假手西人。以爲異日總統萬國會同之用。則大同之極軌。其在斯乎。志交通。



## 舊驛站

(明)

建武驛。在西門外。明洪武三年設。原額站船六隻。槳夫六十名。馬六匹。夫十八名。驢

四頭。夫十名。上中下鋪陳十五副。

以下俱府志

黃范驛。在城南五十里。往永淳縣水路所經。明洪武四年設。分額站船七隻。槳夫七十名

。上中下鋪陳七副。

施湓驛。在城東北六十里。往省陸路所經。明永樂五年設。原額馬五匹。夫五十名。驢三

頭。夫九名。上中下鋪陳八副。

長山驛。在城東北一百里。往省陸路所經。明永樂五年設。原額馬五匹。夫十五名。驢四

頭。夫十二名。上中下鋪陳八副。

大灘驛。在城西七十里。往新甯州隆安縣陸路所經。明永樂六年設。原額馬五匹。夫十五

名。驢三頭。夫九名。上中下鋪陳七副。

那龍驛。在城西七十里。往隆安縣水路所經。明洪武七年設。原額站船四隻。槳夫四十名

。下等鋪陳四副。

往思恩府賓州陸路 低井鋪 歸仁鋪 何丹鋪 朝天鋪 施湓鋪 樓雲鋪 林村鋪 大夾鋪

長山鋪 里段鋪 崑崙鋪

右設鋪十一

往永淳縣陸路 唐臺鋪 潭澤鋪 八尺鋪 黃蠟鋪 青龍鋪 那旺鋪

右設鋪六

往隆安縣陸路 星盈鋪 羅文鋪 啼鐘鋪 合江鋪 大灘鋪 馱棍鋪 張村鋪 涯水鋪

鄧都鋪 橋樑鋪

右設鋪十。按明制驛站。每十里置鋪一所。或因地理關係。每鋪不止十里者多有之。各鋪設有鋪兵。為傳遞公文交代之所。清因之。但改鋪為塘。然塘鋪之名。今尙互稱。

(清)

東北往思恩府賓州陸路

以下俱府志

北門外六公祠頭塘。

二十里至高井。營汎載二十五里。

高井二塘。

十里至馬茶。營汎載二

十五里。馬茶三塘。十五里至朝天。營汎載二十五里。

朝天四塘。

十里至蘇平。營汎載二十五里。

蘇平五塘。

今稱站墟。十里至林村。營汎載二十五里。林

村六塘。

十里至馬嶺。營汎載二十里。

馬嶺七塘。

十里至山心。以下營汎均同。

山心么塘。

十里

長山八塘。

十五里段九

塘。十里至崑崙關十塘。與賓州交界。

按里數當以營汎為近。

東南往永淳縣陸路。

西岸九蓮菴頭塘。

三十五里

新村二塘。

二十里

那連三塘。

十五里至思維四塘

二十里至那柞五塘。

二十五里至劉村。

劉村六塘。

二十里

那旺村。

與永淳縣交界。

西南往新甯州陸路。

西岸九蓮菴頭塘。

十五里至楊村。

楊村二塘。

二十五里至淥盧。

淥盧

三塘。

二十里至那馬。

那馬四塘。

十五里至獨山。

獨山塘。

與新寧州交界。

按里數當以營汎為近。

北往思恩府武緣縣陸路。北府廟頭塘。即六公祠下。十五里至佛子。營汎載二十里。佛子二塘。十五里至三橋么塘。

十五里至淶口三塘。至高峯隘。府志不載里數。營汎載十五里。高峯隘。與武緣縣交界。按里數當以營汎為近。

南往上思州陸路。西岸九蓮菴頭塘。三十五里至羅村。營汎載三十里。羅村二塘。三十里至吳村。營汎載三十五里。吳村三塘。

四十里至蘇墟。營汎載三十五里。蘇墟四塘。五十里至那香。營汎載三十五里。那香五塘。二十里至界牌嶺。營汎載三十里。界牌嶺與上思州交界

按里數。當以府志為近。

西往隆安縣陸路。準提菴頭塘。四十五里至石埠。營汎載三十里。石埠二塘。三十五里至宋村。即三宋村三塘。二十里至大灘。營汎載三十五里。

大灘四塘。四十五里至潭洛。營汎載三十五里。潭洛五塘。四十里至鎮南塘。營汎載三十里。鎮南塘與隆安縣交界。按里數當以府志為近。

西南往土忠州陸路。今改稱綏淶縣。由西岸九蓮菴頭塘。至蘇墟四塘。與往上思州同。再十五里。至

潭王村。與土忠州交界。

東南往廣東廉州府靈山縣陸路。西岸塘。三十五里至新村塘。三十五里至那暮頭塘。三十五里至潭蓬二塘。二十五里至

那廖三塘。二十里至那平四塘。三十五里至那例五塘。三十五里至那曉汎。與廣東靈山縣接界。按塘數次第與營汎不

同。解見營汎門內。

按以上旱塘。皆有塘兵馬匹。俗稱塘報馬。遇有緊急公文。上插羽毛為號。所過關津。無得阻留。一俗稱塘報五百里。所謂五百里馳奏者是也。至光緒中年。設有電線。

此事遂廢。

上水塘。至三江口。分左右江。窰頭頭塘。十里至西鄉塘陳川二塘。十里至石埠三塘。十里至托州四

塘。十里至柴子五塘。十里至老口六塘。五里至儒禮營汛載十里儒禮七塘。十里至下白沙八塘。十里至三江口九塘

。左右兩江。至此合流。亦曰合江。左往新甯。右達隆安。

左江西上新甯州路。三江口九塘。十里至上曰沙十塘。十里至揚美十一塘。五里至下楞營汛載十里下楞么塘。

十里至魚映十二塘。五里至道村塘。與新甯州交界。

右江西北上隆安縣路。三江口九塘。十里至大灘十塘。十五里至淥溪營汛載十里淥溪十一塘。十五里至公雞營汛載十里公

鷄十二塘。十五里至上林營汛載十里上林十三塘。十五里至那龍營汛載十里那龍十四塘。係總塘。十五里至小石。營汛載十里小石十

五塘。十五里至三崩營汛載十里三崩十六塘。十五里至分界營汛載十里分界十七塘。十里至曲流塘。與隆安縣交界。

右江通思恩府武緣縣水路。由隆安曲流塘。八十里至淥口塘。與武緣縣交界。

下水塘東往永淳縣路。白廟卡頭塘。五里至豹子二塘。十里至思賢三塘。十里至瓦窰四塘。十里至冷水

五塘。十里至剪刀六塘。十里至湓灘七塘。十里至八尺汛營汛載五里八尺汛八塘。十里至簔衣九塘。十里至釣魚十

塘。十里至留人洞即砧板砧板十一塘。十里至大冲江十二塘。十里至東瓜總塘對河為子塘東瓜十三塘。十里至長塘十四塘。

十里至高塘十五塘。十里至饅頭十六塘。十里至伶俐十七塘。與永淳縣交界。上俱府志

按以上水塘。均有防兵守卡。如旱塘之制。光緒季年俱裁撤。

## 津渡

津渡之設。人知其利。抑知亦有弊焉。我縣橫渡直渡。無慮百數。刁難過客。莫甚於橫渡。其近在城市者。則招招舟子。尙能按時開駛。接應無悞。最怕遠在山澤之間。苛待行客。重索渡資。是其慣技。或日未落而收渡。任爾千呼萬喚。充耳不聞。當日暮途窮時。致行客不能早投逆旅。則虎狼盜劫之患。在在堪虞。殊可深恨。在昔老口橫渡。最爲惡作劇。然似此者。不止一處也。至有一種義渡。名義上似美。然舟子懶於接應。其弊更甚於前。講求鄉自治者。並宜注意改良也。

縣門渡。即今渡船口。在鎮江門外。

府門渡。在今祭江台下。今與縣門渡並呼西岸渡。在昔過客甚夥。今九蓮菴頭塘驛路久廢。祇近村人來往而已。

靈土地渡。在城西四里下壩村。南岸爲新屋村。有船七八隻。通涇淥教子田各村。

五通廟渡。在城西三里下壩村。南岸爲淡村新村。有船十餘隻。

塘卡渡。在城西十里。上壩村。南岸爲那墨村。有船五六隻。通樂善團各處。

羅富德渡。在城西十里。樂善頭段。南岸通子平墟。

蘇屋渡。在城西二十里。樂善二段。北岸爲西鄉塘。南通子平墟。

沙角渡。在城西三十里。馬津段。北岸爲石埠墟冲口。直接石埠墟。

托州渡。在城西四十里。石埠段。南岸爲溫屋村。有船七八隻。東通子平墟。

柴子渡。在城西五十里。喬版段。對岸爲那壩村。通同慶墟。

七冬渡。在城西五十里。喬版段。通同慶墟。

老口渡。在城西六十里。喬版段。對岸為泵佈村。上通三江口。

儒禮渡。在城西六十五里。喬版段。對岸為那廊村。上通左右二江。

禁頭渡。在城西一百里。揚美墟金馬街大埠上。通同正縣。及下楞等處。渡資歸揚美墟收

管。清咸豐元年六月。張國梁擒股匪顏品瑤號顏大於此。

北隅渡。在城西九十五里。揚美段揚遠嶺對岸馬村。渡規歸揚美段收管。

灘底渡。在城西九十里。鯉魚嶺背。對岸為平鳳村。通隴墟。及武鳴。渡規歸揚美段收管。

下楞渡。在城西八十里宋村。通揚美墟。

馱撻渡。距城西八十五里。左岸為楞福村。右岸為公雞村。通金陵墟。

大灘渡。在城西七十里大灘村。

那莫渡。在城西七十里那莫村。

盧村渡。在城西一百十二里那盧墟。通隆安白馬玳瑁墟。

中渡。在城西一百十二里晚廖村。通隆安鎮流那桐墟。

大石渡。在城西一百一十里大石村。通隆安那桐古潭。

沙洲上渡。距城西一百里。左岸為馱岸村。

宋村下渡。距城西一百里。左岸為沙洲村。

馱銀渡。在城西九十里。花梁村。前右岸為陳酸村。

上楞渡。在城西八十里。那欖埠下。左岸為湖村。右岸為上楞村。

白坎渡。在城西八十里。下楞水埠。左岸為湖村。右岸為象眠嶺。

來景渡。在城西八十里。小沙洲下。左岸爲湖村。右岸爲下楞。民國元年。與揚美人發生爭執。移歸下楞埠下。

以上俱上游橫渡

凌鐵渡。距城南五里。北岸爲凌鐵村。南岸直接亭子墟。亦稱亭子渡。

中渡。在城南六里。亭子墟下。爲南岸平南村人所設。

白沙渡。距城南七里。南岸爲白沙村。北岸爲津頭村。

竹排沖渡。距城東南入里。是處係小溪口。水漲時。爲大江水灌入之處。南岸爲巢鵠村。

北岸爲覃屋村。東通思賢塘。

大橋頭渡。在城東南八里。竹排沖上游。往思賢塘旱路所必經。即昔時通濟橋。詳下崩後

。爲垠西村韋莫黃雷四姓所設。未幾雷姓他徙。現渡規爲三姓共管。充該村小校常年經費。按父老傳說。此橋自前清康熙年間崩壞。是處爲交通孔道。韋莫黃雷四姓。水漲時設渡。水涸時搭橋以便利行人。當日祇負義務。後來乃議抽收過客。每人制錢一文。故俗稱爲一文錢渡。自是以後。鄰村見有。權利

可圖。思謀攬奪。曾於乾嘉間發生糾紛一次。蒙官廳判決。謂韋莫黃雷四姓。既當義務於前。則此渡。應歸四姓管理。他人不得顧問云。未幾雷姓他徙。現今渡規。歸三姓共同收管。辦理公益。

水橋沖渡。距城東南十二里。西岸爲白沙村。東岸爲那壩村。上通亭子墟。

思賢塘渡。亦名漁埠津渡。距城東南十五里。南岸爲宋襄村。北岸屬昇平團。下通良慶墟。

瓦窰渡。距城東二十五里。北爲瓦窰村。南直接良慶墟。

冷水渡。距城東二十八里。上通良慶墟。

剪刀渡。距城東三十里。上通良慶。下通蒲廟二墟。

莫村渡。距城東南五十里。東岸爲莫村。西岸直接蒲廟墟。

梁村上渡。在城東四十里。美利坡碼頭。

梁村下義渡。在城東四十里。埠鎮坡下。村民捐資置鋪一間收租。作爲渡資。

高石義渡。在城東四十里。賴村高碼頭。清同治間。由該村民衆捐資所設。

顏村渡。又名保安渡。在城東四十里。顏村埗下。

八尺江渡。距城東五十里。由城往蒲廟墟所必經。

八尺江口渡。在城東五十里。寨上村埗下。南通蒲廟。北通剪刀墟。

牛灣渡。在城東六十里。牛灣埗下。上通蒲廟墟。

砧板渡。在城東七十里。砧板墟埗下。

長塘渡。在城東一百一十里。大塘村碼頭。南岸直接長塘。北通七八塘等墟。每年納糧一

石。穀租五千。其穀租撥作文昌學校經費。

本勝渡。在城東一百三十里。伶俐墟上游。南岸爲零里村。北岸常駐巡船三艘。柴杉船十

艘。北通九塘賓陽。南通小黎永淳。

零里渡。在城東一百三十二里。伶俐墟下游。交通與本勝渡同。

獨嶺渡。在伶俐下游。北岸爲伶俐墟學校碼頭。南岸爲獨嶺村。交通同前。

段里渡。在城東一百二十里段里村。南岸爲饅頭墟。有柴船數隻。南通永淳小黎。北通八

九塘。

以上俱下游橫渡

那馬渡。在城南六十里那馬墟下。通那陳公安那連蒲廟諸墟。

那禾渡。在城南七十里。清良段那禾墟。通那陳蒲廟等墟。

那連嘯上渡。距城南五十里。南岸即廣東靈山縣界。有船一隻。下通蒲廟各墟。上通那馬

那陳。及靈山屬新墟。渡資歸該圩收管。

那連墟下渡。交通與上渡同。

以上俱城南橫渡

大王廟嘯直渡。來往上游石埠墟。黎明啓行。經西鄉塘等處。上午八九時許到達。渡船載

重七八千觔。前清時每貨百觔。收運費二十文。載客四五十人。每人需費制錢三十文。

永定坊直渡。來往上游石埠墟。黎明啓行。經過窰頭等村。上午八九時到達。船載重及各

運費同前。

沙角直渡。距城西三十里。上往三江口。下來邕城。

錢糧大渡。在城西一百里。揚美墟灘底正碼頭。爲載貨搭客來城直渡。清光緒間。船載貨

五六萬觔。客百餘人。貨腳錢每百觔六十文。客腳錢百文。宣統後。載貨二萬觔。客五

六十人。貨腳錢百觔銀一毫。客腳錢一毫五仙。船泊白衣菴碼頭。民國後。改泊上關口

。詳見白衣菴碼頭。

那廊直渡。距城西六十五里。又名儒禮渡。船載重一二萬觔。每逢圩日。開駛來城。貨百

觔。運費錢五十文。客腳錢六十文。現今貨客費加倍。每百觔收銀一毫。每客收銀一毫

二仙。

揚美灘底石埠渡。近年始設。每逢圩日。下午四時。與錢糧大渡船同開。船載重一萬觔。

每百舢運費六仙。客腳銀八仙。

金陵直渡。在城西八十五里。金陵圩埠下。辰戌丑未日。下午六時開來邕城。載貨約二萬舢。每百舢運費一毫二仙。

公安渡。距城南二百里。上往南州圩。下往蒲廟墟。

涑伏渡。同上。均有商船六七隻。

那馬新墟直渡。係由那連開駛。溯八尺江。經島蘭新丁。抵那馬墟。船載重水漲時可載一

萬四五千舢。涸則載六七千舢。那馬運費每舢收銀一毫二仙。新墟收一毫四仙。搭客費每人收五仙。

蒲廟墟直渡。渡船有二。一爲恒利。一爲萬合。來往邕城。載重二萬餘舢。每萬舢運費銀

八元。搭客費每人二毫。時有商勇護送。船灣泊萬壽宮碼頭。

長塘墟直渡。渡船有二。一爲義利船。一爲盛利船。來往蒲廟長塘。一日可到。各載重二

萬餘舢。每萬舢運費銀五元。搭客費每人一毫五仙。時有商勇護送。

伶俐直渡。有二。一往來下游永淳鹿脰等墟。一往來上游長塘饅頭等墟。各載重六七千舢。每百舢收運費銀五仙。每客腳費一毫。

以上均直渡

## 橋梁

橋梁爲交通上最居重要。考之夏令。九月徒杠成。十月輿梁成。於農功後即繼爲之。示不可緩也。我縣未能徧設津渡之處。則有橋梁。顧其創建之始。有慈善家捐建者。有地方團

體募建者。有政府征調民工興建者。建設雖不同。其利於交通則一也。詳列於后。

七星橋。在南門外濠塘。石砌七鞏。又名七鞏橋。清康熙二十四年。知府趙良璧建。並作

亭曰憩息。今亭圯橋存。

府志○按橋長七八丈。濶一丈五。民國六年。填平濠塘。開闢馬路。橋遂湮塞。

東平橋。在城東八里。

府志載三。里誤。

舊名通濟。明天啟七年。郡人朱希程易石橋。更名香象。知

府楊聞中記。今圯。

府志○按通濟碑記。橋目前明洪武間創建。宣德九年。易以石橋。志稱天啓間始易以石。蓋失攷也。該橋自昔為交通要道。成為墟集。自後時局變遷。墟集旋廢。橋亦崩圯

。其時想在清初康熙間。自圯後。易舟以渡。所得渡資。歸當地韋莫黃雷四姓。收辦公益。現充作垠邊第四小校常年經費。○(又香象碑記文已泯滅通濟碑記猶存為知府南海李晟所撰錄於下) 橋梁之建。稽之於古。夏令曰。十月成梁。徒杠輿梁。必以農隙之際而成。蓋亦因時制宜。事皆有節。觀其地勢之險易。水之源流。淺則置樁。深則為梁。然後人無徒涉之憂。南甯郡上南鄉。有小溪。溪通曲澗。潦溢春夏。人恒患之。若經斯途。憂形於色。遇涸而泥淖。遭漲而襍衣。洪武中。鳩工修建。名曰通濟。迄今歲踰四紀。久而衝決頽圯。邇年繕治。尋復坍塌。材木靡遺。徒費工本。莫克有濟。本郡僧綱司副都綱茂靜。秉心誠懇。與眾方便。欲以無阻。遂彼往來。惟時桂林苾芻繼圓。南甯僧侶祖真祖滕玄通祖賢等。□至合志同心。不憚勞勩。晨夕罔懈。皆仗郡邑衛宦。善士元戎。資財給而眾務舉。工力勤而百事完。始基鉅石。繼用堅斲。業隨就而釘灰施焉。興工宣德九年秋。改元正統春正月告成。為屋二十一間。上覆陶瓦。下繞曲欄。風雨除而鳥鼠去。向之速成而工省。今則循度而致堅。昔之物嗇而苟就。今則資饒而固牢。農夫販婦。荷耒耜。負筐筥。若履坦途。居賈行商。載重貨。馳車馬。不虞其險。全忘昔時之病。而獲今日之娛也。交相懽慶。嗟歎興歌。他日觀風者。則知厥由。因請以書其概云。○又按府志。稱舊名通濟。則東平未知何時改稱。後不復見。然則在前固有此稱矣。當云今名通濟。不得云舊名通濟也。考東南西北橋。皆以平名。疑宋皇祐間築城時所定。其方位與遷城時皆準。橋為宋建明矣。志載各橋俱云舊稱。俱失考。

南平橋。

距城南十里。

明嘉靖間建。

舊名扈水。

今圯。

府志

西平橋。

距城西三里。

府志載一里。今更正

往隆安陸路所經。

舊名龍溪。

後圯。

復建。

易今名。

府志。按橋創

建年月未詳。橋西一里。卽準提菴頭塘。蓋通衢也。清光緒間橋再圯。市人捐資重建。長十餘丈。闊丈餘。距離水面高三丈餘。橋隄岸當橋正中。豎探水碑。防水淹時。以爲過橋探行標準。

北平橋。

距城西北二里。明天啟五年。改造石橋。更名鎮北。

府志。按橋長十餘丈。闊長丈餘。距離水面高約三丈。爲武鳴商販來往必

經之路。清道光間。知府杜琮。爲水漲防溺。倡捐加建兩旁石欄杆。以爲保護。

接龍橋。

在城西一里

瓦子橋。

在鎮北橋西北。舊名教場橋。清康熙五平。重建石橋。易今名。

佈墟橋。

在城東六里。府志載三里。今更正。

有石一塊。長一丈。闊五尺。厚一尺。架以爲橋。俗傳石

浮水面到此。

上俱府志。按橋今在垠西村垠中。爲該村人來城所經。查是石長一丈一尺五寸。厚一尺一寸。其闊度曾爲該村人鑿分兩塊。今祇濶二尺五寸。據志所稱石浮水面到此。自係一種神話。但如此巨

大之石。求之境內蓋鮮。又查城東北三里官塘石板橋。有石一塊。長一丈。厚一尺。闊五尺。詢之父老云。不知此石從何而來。但建橋時。先有此石。三十人昇之不動。當時重學未發明。路政又未修。是處居非近水。又未近山。此石何以到此。殊難索解。可見前入建築物。有非後人思議所及者。此類正多。非獨此石也。

茆江橋。

距城東北十二里。長三丈。闊一丈。距離水面高一丈。爲邕賓來往要路。清光緒

五年。里人班瑞蘭倡捐重建。更名東寧橋。有碑記。民國二十二年春間。廣西公路局。

以此橋將圯。另建一新橋。在茆橋下數武。長闊比舊加倍。距離水面高約三三丈。兩旁

圍以新式欄杆。以便行車。

沙江橋。

在城東北十里。長二丈。闊八尺。距離水面高丈餘。清光緒五年。與茆橋同建。

更名東安橋。見班瑞蘭茆橋碑記。

按茆江沙江二水。至垠東村東北合流。經白石咀。曲折十餘里。至竹排沖。流入大河。二水俱發源於高峯及武緣諸山。每夏秋時。山洪暴

發。卷束而下。奔騰澎湃。勢最兇猛。而濟南橋適當其衝。故濟南橋前此旋築旋圯。職是之由也。

大坑橋。在倉西門外三里。清康熙五十八年。知府黃之孝捐修。易木以石。有碑記。

府志。按橋距城西四里。長三丈。闊八尺。距離水面高約二丈。爲濱河上游兩岸村落來城必經之路。今橋圯。仍架以木。

爛泥橋。

在城西七里。

府志。按橋在準提菴頭塘外二里。長三丈。濶一丈。秋冬時水涸。創建年月未詳。上往石埠經此。每遇冬春。積雨。泥濘沒踝。行人苦之。故名。

金牛橋。

距城東北五里。舊名石鞏。

府志。按橋長二丈。濶八尺。往賓陽要道。秋冬無水。民國三年橋圯。兩廣巡閱使陸榮廷。廣西都督譚浩明。倡捐修復。

太平橋。

距城南四里。清道光二十三年。平南村人建。

五龍橋。

又名崇德橋。在城北二十里。安吉圩區內星盈江。通武鳴。初爲木橋。清乾隆間

易以石。重修四次。皆被水衝圯。民國元年。郡中華雲善堂。募捐重建。砌五石鞏。興工於春初。告成於冬季。長八丈五尺。濶八尺。距離水面高一丈八尺。並鋪兩岸石路。

通明橋。

在城西二十餘里羅文江。清同治光緒間。重修兩次。後皆爲水衝圯。民國三年春

。郡中華雲善堂。募捐重建。四年夏工竣。費銀萬餘元。長一十三丈。寬一丈二尺。距離水面高一丈八尺。兩旁翼以石欄。有碑記。

大垠新橋。

距城東南五里。民國十七年。郡中慈善團體。募捐創建。長三丈。寬一丈。距

離水面高八尺。橋隄鋪以雙石。長六十餘丈。往良慶蒲廟陸路所經。莫炳奎撰橋隄鋪石

記。（碑記）距城東南五里曰大垠。古爲南湖地。雖非巨浸。如吳之震澤。滇之昆明。然旣以湖稱。想必水光山色。上與花洲汎之碧梧翠竹。下與東平橋之曲檻迴廊。相距呎尺間。交相輝映。風景爲一縣之勝可知。然三者

至今皆無有。獨花洲夜月。見諸郡志。東平橋之名屢易。而通濟香象。二碑猶存。尙有可考而知者。惟南湖之名。舊志已軼。僅見於圖書集成所纂錄。惜是集爲秘府之藏。民間未易窺見。故詢以南湖之名。而故老皆無知者。則文獻之散亡久矣。顧是地爲南北通衢。東通橫永。南達欽廉。近接良慶蒲廟。路綫所經。近百年來。未之有改。惟隄基狹窄。樁石爲渡。每當夏潦秋漲。行人所過。懷若冰淵。今歲夏間。郡中諸慈善家。有建橋築路之建議。遂成

立大會。分頭募捐。鉅款旋集。工興於季秋。事竣於冬月。惟是橋成。而隄路未鋪以石。陰雨時泥濘可慮。探水時失足堪虞。危險猶前也。於是黃君植臣。陳君慶秋等。遂提議擬全隄鋪設雙石。爲一勞永逸之計。衆贊成。復喜助捐貲。旬日事集。由是隄基鞏固。隄面安穩。行人稱之。既歲事。遂求文以爲記。余以爲人事之變遷。時會之升降。相尋於無窮。向之荒榛蔓草。今之粉地歌場。金碧輝煌。未嘗不炫惑流俗。然而始則勞民力。終則耗民財。當其刻鏤雕文。達觀者早等如海市蜃樓之數。而惟石橋石路。利便交通。其公益之著。近之數十年。遠之數百年。猶是城郭。猶是人民。斯路決無荒廢之一日。况文明日進。則此後馬龍車水。增其式廓者。安知不百倍於斯時。智者創而巧者述。後來慈善。必追念夫作始之勞。人之欲善。誰不如我。然則諸君肇造之功。其可嘉也已。是役黃君植臣。陳君慶秋。得力爲多。黃君里人。陳君縣之江西岸人。例合書石。皆民國十七年嘉平月。

咻塘橋。

距城東十里。

府志

中梁橋。

在城東六十里大沖江。

西雲橋。

在城東六十里施湓驛。

涯水橋。

在城東六十里伶俐水。

大橋。

在城南隔江五里窰頭嶺。

蠟燭橋。

在城南隔江五里。

雲峯橋。

在城西。

永豐橋。

在城西北七十里。元至正辛酉年建。

低并橋。

在城北十五里。

竹橋。

在城北跨龍溪之來水。

歸仁橋。

在城東北三十里。

何丹橋。

在城東北三十五里。

朝天橋。

在城東北四十里。

以上俱府志

太平橋。在城南五里。

那萬橋。在城北十八里。

平庄橋。在城北二十里。

永凝橋。在城北二十五里。

四柱橋。在城南五里。

同福橋。又名二橋。在城南五里。

雙石橋。在城南七里。

仙人橋。在城南八里。

西寧橋。在城南八里。亭子鄉保和段。

普渡橋。在城東北腰塘。

西平鞏橋。在潭浩定皎兩村間。清乾隆四十八年。黎士俊創建。道光二年。劉大醇重修。

後十餘年。劉日晶、劉大德。定皎村蕭應鏘等。勸捐重修。並修兩岸橋墩。及前後二小

橋。里人黃紹華撰記。

王新平橋。在輔正段潭浩定皓二村交界。清乾隆間。村民黎士俊等創建。道光癸未。蕭玠

等重修。舉人蕭珮撰記。

二渡平橋。在輔正段定皎村之東渡塘上。清咸豐二年。蕭敏之建。大學生蕭珩撰記。

西平二渡橋。在輔正段內。清嘉慶二年。村人黎士俊黃齊郡蕭常可等建。舉人蘇士煥撰記。

福壽橋。在輔正段蕩同溪。清嘉慶十年。村人梁紹耕募捐創建。太學生黃紹周撰記。

馱漏橋。在同倫段慕村二里。清光緒間。蘇圩例貢何彩恒捐資鼎建三鞏橋。費銀七百餘元。

派雲橋。在蘇墟。清光緒間。蘇茂林蘇瑞玲羅鵬高等。捐資重修。

岬葦橋。在蘇圩邑葦村北。砌石鞏三。清道光間。雷贊揚吳子宏等建。民國元年。雷培芳

吳煥達等重修。吳煥宇撰記。

蕾受橋。在蘇墟東蕾受村。石砌一鞏。清道光間。雷鍾盛創建。咸豐間。雷世恩重修。黃

紹華撰記。

永寧橋。在蘇圩東那海村。清乾隆間。李世珍創建。嘉慶間。李秀陵重修。黃治爵撰記。

東安橋。在秉正段那弟村。民國七年。那齊村謝誠憲倡建。費銀千餘元。越兩載工始竣。

謝福蔭撰記。

毓秀橋。在蒲津鄉。距城東四十五里。民國九年。寨上村莫蘊輝建。莫景垣撰記。

天利橋。在劉墟鄉。距城東南一百里。村人周治述建。

雲路橋。在潭蒙村。距城一百里。村人黃周基建。

步利橋。在屯陵村。距城九十里。村人黎元化建。

濟和橋。所在同前。村人李學仕建。李獻璽重修。

五節橋。在團黃村。距城一百里。村人黃常針。暨節婦陳氏子韜英輔謙建。黃福存黃雲路

等重修。

羅雍橋。在劉墟鄉。距城東南一百里。黃瑞麟李純謙等建。

同秀橋。在劉墟鄉。距城東南一百里。劉雲瑞梁善林等建。

同福橋。在劉墟鄉。距城東南一百里。劉雲瑞毛紹書等建。

河西橋。在譚村。距城一百一十里。譚元貴建。

淥泊橋。在劉墟鄉。距城東南一百里。黃瑞麟葺以石。有碑記。

那花橋。在劉圩鄉斑峯三段。距城東南一百十五里。李鳳根李日溫等建。

那兌橋。在斑峯三段。距城東南一百二十里。

聚秀橋。在斑峰二段。距城東南一百二十里。玉思益李芳裕建。

那潛橋。在斑峯三段。距城東南一百二十五里。

稔坐橋。在斑峯二段。距城東南一百三十里。

果善橋。在斑峯三段。距城東南一百十里。李仁標等衆建。

那逸橋。距城東南一百三十五里。

獅子橋。在斑峯三段。距城東南一百二十里。陸增滿潘明仕建。

那僚上中下三橋。均在斑峯二段。距城東南一百二十里。通廣東靈山那樓噓。

應麟橋。在城東南六十里。清道光二十三年。周鳳康建。有碑記。

崇德橋。在城東南六十里。清光緒二年。雷起鐸建。十六年。雷澤隆修。

萬福橋。在城南六十里。民國八年。蘇雨材募捐建石砌一鞏。

壽星橋。在城南六十五里。清光緒三十一年。張啓仁募捐建。有碑記。

百祿橋。在城南六十里。清同治八年。黃維誠等捐建。有碑記。

同福橋。在城南六十五里。光緒十三年。黃梅魁等捐建。石砌二鞏有碑記。

聚秀橋。在城南七十五里。道光四年。思零村龔潘一一姓建。十八年重修。以石作墩。跨思靈

東西兩岸之上。又稱爲思靈橋。有碑記。

那派橋。在城南七十八里。嘉慶間。潭蓬村歲貢李調新捐建。石砌一鞏。有碑記。

步利橋 在城南六十五里冲陶村。清光緒十六年。潘榮輝募捐建。有碑記。

兩旺橋 在城南六十五里潭版村。清光緒十年。黃剛募捐建。以石作墩。跨冲支江即思靈江之上。爲兩粵交界處。有碑記。

冲踵橋 在城南七十五里。清康熙間。新村潘姓。以木爲梁。道光二十六年。新村潘月樓等募捐。始易以石。易名榮耀。有碑記。

敏旺橋。 在城南一百二十五里。那廖塘。

西江橋。 在城東一百八十里。

大板橋。 在城東北邕賓路距城二里許。橋面係一塊紅石。長一丈零五寸。濶五尺四寸。厚九寸。重約二千餘觔。周圍百里內。並無紅石山嶺。當日運來。實未易也。